



**ს ა ქ ა რ თ ვ ე ლ ო**  
**ქალაქ რუსთავის მუნიციპალიტეტის მერის**  
**ბ რ ძ ა ნ ე ბ ა**



ბრძანება: **ბ38. 382406079**

თარიღი: **29/02/2024**

**„პროფესიული სწავლება დასაქმების ხელშეწყობისთვის“ ქვეპროგრამაზე განცხადებების მიღების ვადებისა და პირობების შესახებ**

საქართველოს ორგანული კანონის „ადგილობრივი თვითმმართველობის კოდექსი“-ს მე-16 მუხლის მე-3 და მე-4 პუნქტის, 61-ე მუხლის მე-2 პუნქტის, „ქალაქ რუსთავის მუნიციპალიტეტის მერიის დებულების დამტკიცების შესახებ“ ქალაქ რუსთავის საკრებულოს 2014 წლის 08 აგვისტოს №9 დადგენილების პირველი მუხლით დამტკიცებული „ქალაქ რუსთავის მუნიციპალიტეტის მერიის დებულების“ მე-7 მუხლის პირველი პუნქტის „ე.ვ“ ქვეპუნქტის, „ქალაქ რუსთავის მუნიციპალიტეტის ბიუჯეტით გათვალისწინებული ქვეპროგრამის „პროფესიული სწავლება დასაქმების ხელშეწყობისათვის“ (პროგრამული კოდი: 04 07) განხორციელების წესის დამტკიცების შესახებ“ ქალაქ რუსთავის მუნიციპალიტეტის საკრებულოს 2023 წლის 21 დეკემბრის №101 დადგენილების პირველი მუხლით დამტკიცებული დანართი N1-ის მესამე მუხლის შესაბამისა

**ვ ბ რ ძ ა ნ ე ბ ე :**

1. „პროფესიული სწავლება დასაქმების ხელშეწყობისთვის“ (კოდი 04 07) ქვეპროგრამაში ჩართვის მსურველი პირებისთვის, რომლებიც სწავლობენ შემდეგ პროფესიულ პროგრამებზე: მებაღეობა ან აღმზრდელი, აგრეთვე, მომზადება/გადამზადების პროგრამებზე: ლიფტების ტექნიკური მომსახურება და რემონტი ან სააღმზრდელო პროცესების წარმართვა სკოლაში დაწესებულებაში, განცხადებების მიღების ვადად განისაზღვროს 2024 წლის 1 მარტიდან 15 მარტის ჩათვლით პერიოდი.
2. „პროფესიული სწავლება დასაქმების ხელშეწყობისთვის“ (კოდი 04 07) ქვეპროგრამაში ჩართვის მსურველმა პირებმა განცხადებით მომართონ ქალაქ რუსთავის მუნიციპალიტეტის მერიას და წარმოადგინონ დანართი N1-ით განსაზღვრული დოკუმენტაცია (მის: ქ. რუსთავი, მეგობრობის გამზ. N20ბ მერიის მუნიციპალური სერვისების ცენტრში ან შემდეგ ელ. მისამართზე: rustavi.municipality@rustavi.gov.ge ).
3. ბრძანება ძალაშია გაცნობისთანავე.
4. ბრძანება შეიძლება გასაჩივრდეს რუსთავის საქალაქო სასამართლოში (მის.: ქ. რუსთავი, ბოსტან-ქალაქის ქ. №6), საქართველოს ადმინისტრაციული საპროცესო კოდექსის 22-ე მუხლის მე-3 ნაწილით დადგენილი წესით, გაცნობიდან ერთი თვის ვადაში.

ნინო ლაცაბიძე

ქალაქ რუსთავის მუნიციპალიტეტის მერია-ქალაქ რუსთავის მუნიციპალიტეტის მერი

გამოყენებულია კვალიფიციური ელექტრონული ხელმოწერა/ ელექტრონული შტამპი



E-MAIL: RUSTAVI.MUNICIPALITY@RUSTAVI.GOV.GE WEB: WWW.RUSTAVI.GOV.GE

ქალაქი რუსთავი, მეგობრობის გამზირი N 20ბ / 20B MEGOBROBA AVE, RUSTAVI, GEORGIA, 3700. TEL: 1300

**ქალაქ რუსთავის მუნიციპალიტეტის ბიუჯეტით გათვალისწინებული ქვეპროგრამის „პროფესიული სწავლება დასაქმების ხელშეწყობისთვის“ (პროგრამული კოდი: 04 07) განხორციელების წესი**

**მუხლი 1. ზოგადი დებულებანი**

1. ქალაქ რუსთავის მუნიციპალიტეტის ბიუჯეტით გათვალისწინებული ქვეპროგრამის „პროფესიული სწავლება დასაქმების ხელშეწყობისთვის“ (პროგრამული კოდი: 04 07) განხორციელების წესი (შემდგომში-წესი) განსაზღვრავს, ქალაქ რუსთავის მუნიციპალიტეტის ადმინისტრაციულ საზღვრებში რეგისტრირებული/მუდმივი ბინადრობის მქონე და მცხოვრები 18 წლის ასაკიდან პირებისთვის პროფესიული სწავლების წახალისებისა და შემდგომში დასაქმების ხელშეწყობის მიზნით, მუნიციპალიტეტის მიერ განსახორციელებელ ღონისძიებებს, ქალაქ რუსთავის მუნიციპალიტეტის ბიუჯეტით გათვალისწინებული ქვეპროგრამის ფარგლებში.
2. ქვეპროგრამის განმახორციელებელია ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მხარდაჭერის სამსახური.

**მუხლი 2. ქვეპროგრამის მიზანი და პირობები**

1. ქვეპროგრამის მიზანია, რუსთავში რეგისტრირებული/მუდმივი ბინადრობის მქონე, 18 წლის ასაკიდან პირებისთვის, პროფესიული პროგრამების შესწავლის წახალისება და შემდგომში დასაქმების ხელშეწყობა.
2. ქვეპროგრამის მიზანია ასევე, შრომის ბაზრის თანამედროვე მოთხოვნათა შესაბამისი პროფესიული პროგრამების დანერგვის და პოპულარიზაციის მხარდაჭერა.
3. ქვეპროგრამით გათვალისწინებული დაფინანსება ემსახურება მოქალაქეებისთვის პროფესიების შესწავლის და შემდგომში დასაქმების ინტერესის ამაღლებას.
4. ამ წესით გათვალისწინებული დაფინანსების მიმღები სუბიექტები არიან, საქართველოში ავტორიზებული პროფესიული საგანმანათლებლო პროგრამების განმახორციელებელი დაწესებულებების მიერ გამოცხადებული პროფესიული პროგრამების სწავლების მსურველი პირები.
5. ქვეპროგრამით გათვალისწინებული დაფინანსება მოიცავს, ქალაქ რუსთავის მუნიციპალიტეტის მერიის მიერ გამოცხადებული პროფესიული პროგრამების სტუდენტთათვის ყოველთვიურად 100 ლარით წახალისებას, პროფესიული პროგრამის დასრულებამდე.
6. ქვეპროგრამის ფარგლებში თითოეულ ბენეფიციარს უფინანსდება მხოლოდ ერთი პროფესიული პროგრამის სწავლება.

**მუხლი 3. ქვეპროგრამის განხორციელების მექანიზმები და მოსარგებლე პირების შერჩევის წესი**

1. ქვეპროგრამით გათვალისწინებულ პროფესიულ პროგრამებს განახორციელებენ საქართველოში ავტორიზებული „პროფესიული საგანმანათლებლო პროგრამების განმახორციელებელი დაწესებულებები“, ურთიერთთანამშრომლობის მემორანდუმის საფუძველზე.

2. პროფესიული საგანმანათლებლო პროგრამების განმახორციელებელ დაწესებულებებთან კოორდინაციის და შრომის ბაზრის მოთხოვნადი პროფესიების გათვალისწინებით, ქალაქ რუსთავის მუნიციპალიტეტის მერი ადმინისტრაციულ-სამართლებრივი აქტის საფუძველზე, განსაზღვრავს ქვეპროგრამაში ჩართვის მსურველთა განცხადებების მიღების ვადებს და პირობებს.
3. ქვეპროგრამით მოსარგებლე პირებს წარმოადგენენ, ქალაქ რუსთავის მუნიციპალიტეტის ადმინისტრაციულ საზღვრებში რეგისტრირებულნი/მუდმივი ბინადრობის მქონე და მცხოვრები 18 წლის ასაკიდან პირები, რომლებიც ქალაქში რეგისტრირებულნი არიან განცხადებით მომართვამდე უწყვეტად არანაკლებ 2 (ორი) წლის განმავლობაში. გამონაკლისს წარმოადგენს რეგისტრაციის წყვეტის ისეთი შემთხვევა, როდესაც წყვეტა არ ფიქსირდება ქალაქ რუსთავის მუნიციპალიტეტის ადმინისტრაციული საზღვრების გარეთ. ასევე, გამონაკლისი საცხოვრებელი ადგილის რეგისტრაციასთან დაკავშირებით ვრცელდება, იძულებით გადაადგილებული პირის სტატუსის მქონე პირებზე, რომელთაც დევნილის სტატუსის დამადასტურებელი დოკუმენტის მიხედვით, რეგისტრირებულ მისამართად უფიქსირდებათ ქალაქი რუსთავი.
4. ქვეპროგრამით სარგებლობის მსურველი პირი განცხადებით მიმართავს ქალაქ რუსთავის მუნიციპალიტეტის მერს და წარადგენს შემდეგ დოკუმენტაციას:
  - ა) განმცხადებლის/ქვეპროგრამაში ჩართვის მსურველის პირადობის დამადასტურებელი მოწმობის ან საქართველოს მოქალაქის პასპორტის ასლი;
  - ბ) ქალაქ რუსთავის ადმინისტრაციულ საზღვრებში რეგისტრაციის დამადასტურებელი დოკუმენტი -საინფორმაციო ბარათი (საჭიროების შემთხვევაში);
  - გ) საბანკო ანგარიშის ნომერი, გაცემული შესაბამისი ბანკის მიერ, კანონით დადგენილი წესით;
  - დ) სხვა დამატებითი დოკუმენტაცია, რაც ობიექტურად საჭირო გახდება წარმოებისას, გადაწყვეტილების მიღების მიზნით.
5. განმცხადებლის მიერ წარმოდგენილი დოკუმენტაციის პროგრამით დადგენილ კრიტერიუმებთან და მიზნებთან შესაბამისობას ადგენს ქვეპროგრამის განმახორციელებელი სამსახური.
6. ამ მუხლის მე-2 პუნქტით გათვალისწინებული ვადების ამოწურვის და ქვეპროგრამით მოსარგებლე პირების შერჩევის შემდგომ, ქალაქ რუსთავის მუნიციპალიტეტის მერი შესაბამისი სამართლებრივი აქტის საფუძველზე განსაზღვრავს ქვეპროგრამით მოსარგებლე ბენეფიციარებს. ქვეპროგრამის განმახორციელებელი სამსახური, პროფესიული საგანმანათლებლო პროგრამების განმახორციელებელ დაწესებულებას უგზავნის ქვეპროგრამით მოსარგებლე ბენეფიციართა მონაცემებს.
7. ქვეპროგრამით გათვალისწინებული პროცესის მიმდინარეობასა და შედეგების მონიტორინგს ახორციელებს ქვეპროგრამის განმახორციელებელი სამსახური.

#### **მუხლი 4. ქვეპროგრამის დაფინანსების წესი**

1. დაფინანსება ხორციელდება ქალაქ რუსთავის მუნიციპალიტეტის ბიუჯეტის ქვეპროგრამით გათვალისწინებული ასიგნების ფარგლებში.
2. ქვეპროგრამიდან თანხის გამოყოფის შესახებ ქალაქ რუსთავის მუნიციპალიტეტის მერი გამოსცემს შესაბამის სამართლებრივ აქტს.
3. ფინანსურ ანგარიშსწორებას ახორციელებს ქალაქ რუსთავის მუნიციპალიტეტის მერიის საფინანსო-საბიუჯეტო სამსახური ბენეფიციარებისთვის თანხის პირად საბანკო ანგარიშის ნომერზე ჩარიცხვის გზით.
4. დაფინანსება სრულდება:

- ა) პროფესიული პროგრამის დასრულებისას;
- ბ) სტუდენტის სტატუსის შეწყვეტის შემთხვევაში.

ქვეპროგრამით სარგებლობის მსურველი პირი განცხადებით მიმართავს ქალაქ რუსთავის მუნიციპალიტეტის მერს და წარადგენს შემდეგ დოკუმენტაციას:

- ა) განმცხადებლის/ქვეპროგრამაში ჩართვის მსურველის პირადობის დამადასტურებელი მოწმობის ან საქართველოს მოქალაქის პასპორტის ასლი;
- ბ) ქალაქ რუსთავის ადმინისტრაციულ საზღვრებში რეგისტრაციის დამადასტურებელი დოკუმენტი -საინფორმაციო ბარათი (საჭიროების შემთხვევაში);
- გ) საბანკო ანგარიშის ნომერი, გაცემული შესაბამისი ბანკის მიერ, კანონით დადგენილი წესით;
- დ) სხვა დამატებითი დოკუმენტაცია, რაც ობიექტურად საჭირო გახდება წარმოებისას, გადაწყვეტილების მიღების მიზნით.